

黃平縣志卷二十二

藝文志 論說

論說

今人有曰言論為事實之母試以本志例之如于少保有議貴州乃得不棄鄂文端有疏三千里之苗疆乃闢及今石侍郎唐中丞有奏有稟苗亂因以再平他如請入鄉賢名宦請修志乘請開河渠皆借言論演為事實又如陽明條教文甫惜陰雖無事實可言然以之演成風化範圍人心功更在於奏疏公牘之上蓋言論根於思想由於觀察凡夫論理論事論人有借古以為今則有斥於當時而後世奉為神明者故取若干篇以列於志如稟牘如條議皆可以論說該也

黃平縣志

卷二十一 藝文

一

按論緣於論孟至莊子齊物賈誼過秦陸機辨亡諸論演為長篇論之體為一變降至唐宋文家專取論以為題文體又為一變至說亦論之一體如戰國策之遊說各說是也乃春秋三傳稱為說經毛亨毛萇號為說詩於是後之謂說專為注疏言之而說亦失其本真矣茲所謂論說者大凡論事說理射策陳言均抉取焉從廣義焉亦溯源於上古也

貴州守勦議

明于謙

正統中尚書王驥征麓川黔兵悉行諸苗遂叛驥還討旋以病歸邛水苗陷思州草塘苗陷石阡平越黃平思南侯璉代驥駐師雲南遠不及討景泰元年命保定伯梁瑤督勦未至朝議推貴撫無敢往者侍郎何文淵言貴州難守請撤布按以下官吏

仍以宣慰司管屬土人都司都指揮鈐束軍衛衆議唯唯謙為兵部尚書獨持不可因上議云

貴州之設太祖高皇帝開創於前成祖文皇帝經營於後迄今將百年矣法制已定勢無可更比來邊將處置乖方加以征南之師數出遂致賊寇竊發勞師遠征然且一年之間各城雖被圍官將死守未之稍變今總督總兵等官初未嘗言此地可棄其請兵請餉亦未嘗言此地難與守也夫土地者祖宗之土地人民者祖宗之人民萬一缺軼猶宜補救今堂堂布按盡轄其地小有枝梧動言棄擲日蹙百里伊誰之咎文淵曾奉使貴州備諳山川險易夷情向背宜量予陞職給勅以往令相度形勢便宜行事至賞賜銀幣即就彼官庫支給不必京師運發

## 黃平縣志

卷二十一

藝文

二

### 沙洲集鷺說

徐而陵

黃平城北約里許為芷坊灘也一水自西遶城而下至此則潏洄曲折遠際無涯中有沙洲一聳踞江心如舟如盤凝然不動四面皆水兩岸上雜以邨舍遍植桃柳濃陰掩映有樓臺倒影落花流水之趣雖西湖佳景不是過也當秋冬水涸洲固亭然玉立不足異即春夏水漲洲亦砥柱中流不隨湮沒白鷺千百為羣點染清波恍然與錦鱗游泳者競秀爭妍也噫嘻彼斯鷺者胡為咸集於斯耶彼誠見夫斯世皆炎而此地獨涼斯世皆濁而此地獨清耶抑或有得夫流水行雲之趣而行乎不得不行止乎不得不止耶即不然或自處以正不隨波逐流而有樂于此洲者耶嗟乎夫人寄形宇內誠不可不留身後名也居廟

堂之上無求溫飽處家庭之中不忘孺慕人生之大節無虧即百世之芳名不朽俯焉仰焉隨地可以自盡優焉游焉隨時可以自樂任人世之顛倒覺清白之在我庶幾無愧于斯洲斯鷺而可傳於弗替也因為之贊曰沙明似雪鷺白如霜與清流而互照共明月以分光靚高山而仰止友魚蝦而徜徉固宜地靈毓秀人傑鍾祥振西雒之健翮序北闕之鵷行知應運之非偶樂

盛世于羲皇使斯洲之鷺亦偕鳳麟而比美並龍馬以相將

惜陰說

朱定元

嘗讀書至吉人為善惟日不足未始不嘆古聖賢之及時進修有如此吾人生聖賢之後學聖賢之為人所賦之五官與聖賢

黃平縣志

卷二十一 藝文

三

無異所處之倫常與聖賢無殊然每自暴自棄悠忽終朝伊何故哉蓋善惡分途夫人而知之矣遡厥由來大約因循實甚偶爾失足輒曰可以改圖於異日也可以補過於將來也抑知一時偶誤畢世貽羞一事偶差終身莫贖況去日之多來日之少即惕惕終朝猶恐貽憾於夙夜矧暴棄而不知返耶今而後願我同人念夫時之忽忽其不留也思乎老之冉冉其將至也德與年俱新無悔臨巖勒馬功與時並進無嘆補漏江心苟謂後生之歲月無窮當際之優游甚適吾知今日所遇閱異時而遷目前所經不轉盼而謝往者紛紛不止也來者茫茫莫知也迨至日月易矣而人如故年齒益矣而德不加行不過中人聲不超里巷窮年皓首而始嘆壯盛之已非驚遲暮之忽及亦已晚

矣總之金烏似箭人縱急圖猶不能於耄期之餘復挽已逝之歲月玉兔如梭天雖仁愛亦不能為怠荒之輩長留無盡之居諸嗟乎哉春秋代謝往復何常悲桑榆兮易逝告無愧兮何年以故庸愚玩日惟覺其長志士惜陰每憂其短古聖賢之及時進修願吾友共效之矣

示龍場諸生教條

明 王守仁

諸生相從於此甚盛恐無能為助也以四事相規聊以答諸生之意一曰立志二曰勤學三曰改過四曰責善其慎聽毋忽志不立天下無可成之事雖百工枝藝未有不本於志者今學者曠廢隳惰玩歲愒時而百無所成皆由於志之未立耳故立志而聖則聖矣立志而賢則賢矣志不立如無舵之舟無銜之馬

黃平縣志

卷二十一 藝文

四

漂蕩奔逸終亦何所底乎昔人有言使為善而父母怒之兄弟怨之宗族鄉黨賤惡之如此而不為善可也為善則父母愛之兄弟悅之宗族鄉黨敬信之何苦而不為善為君子使為惡而父母愛之兄弟悅之宗族鄉黨敬信之如此而為惡可也為惡則父母怒之兄弟怨之宗族鄉黨賤惡之何苦而必為惡為小人諸生念此亦可以知所立志矣已立志為君子自當從事於學凡學之不勤必其志之尚未篤也從吾遊者不以聰慧警捷為高而以勤謹謙抑為上諸生試觀儕輩之中苟有虛而為盈無而為有諱己之不能忌人之有善自矜自是大言欺人者使其人資稟雖甚超邁儕輩之中有弗疾惡之者乎有弗鄙賤之者乎彼固將以欺人人果遂為所欺有弗竊笑之者乎苟有謙

默自持無能自處篤志力行勤學好問稱人之善而咎己之失從人之長而明己之短忠信樂易表裏一致者使其資稟雖甚魯鈍儕輩之中有弗稱慕之者乎彼固以無能自處而不求上人人果遂以彼為無能有弗敬尚之者乎諸生觀此亦可以知從事於學矣夫過者自大賢所不免然不害其卒為大賢者為其能改也故不貴於無過而貴於能改過諸生自思平日亦有缺於廉恥忠信之行者乎亦有薄於孝友之道陷於狡詐刻薄之習者乎諸生殆不至於此不幸或有之皆其不知而誤蹈素無師友之講習規飭也諸生試內省萬一有近於是者固亦可以不痛自悔咎然亦不當以此自歉遂餒於改過從善之心但能一旦脫然洗滌舊染雖昔寇盜今日不害為君子矣苦曰

## 黃平縣志

卷二十一

藝文

五

吾昔已如此今雖改過而從善將人不信我且無贖於前過反懷差澀疑沮而甘心於汙濁終焉則吾亦絕爾矣責善朋友之道然湏忠告而善道之悉其忠愛致其婉曲使彼聞之而可從繹之而可改有所感而無所怒乃為善耳若先暴白其過惡痛毀極詆使無所容彼將發其愧恥憤恨之心雖欲降以相從而勢有所不能是激之而使為惡矣故凡訐人之短攻發人之陰私以沽直者皆不可以言責善雖然我以是而施於人不可也人以是而加諸我凡攻我之失者皆我師也安可以不樂受而心感之乎某於道未有所得其學鹵莽耳謬為諸生相從於此每終夜以思惡且未免況於過乎人謂事師無犯無隱而遂謂師無可諫非也諫師之道直不至於犯而婉不至於隱耳使吾

而是也因得以勉其是吾而非也因是以去其非蓋敦學相長也諸生責善當自吾始

丁祭教

國朝 鄂爾泰

竊惟

至聖先師萬世之師表也冠帶集園橋

天子有臨雍之典春秋屆仲月上丁修釋菜之儀內則命夫胄子三公外則寄於有司羣牧典綦嚴也誰敢懈焉本部院蒞蒞南藩職司秉鬯恭逢丁祭親齋沐而宿黌宮先令儒官較簿書而正祭器乃知牲或已經宰殺既失告全致潔之心物豈盡屬肥鮮更乖博碩蕃滋之義且或常供不充夫額數任先後以那移珍品不給於豆籩致菹鹽之雙疊兼聞各學亦有同風罔知

黃平縣志

卷二十一 藝文

六

共竭精誠但解奉行故事甚或尊罍未備疇詳犧象之形琴瑟雖陳莫辯敵箎之狀觀者如墻如堵任彼咆哮祭者似醉似癡頽如聾瞽一尊纔薦滿庭之燎火無光三獻未終兩廡之燈輝已滅於是登鉶與簠簋悉憑顛倒几筵鹿兔與榛菱以遇摩空鷓雀分甘奪臠半由承祭之家人拍地喧天遑問糾儀之齋長駿奔髦士霎時怒髮衝冠輿隸膳夫一片雄心染指凡此之類罪豈勝誅皆由約束不嚴亦以躬行未善不思主爵則身膺一命幸得窺聖人門墻分獻則職任半羶原以司泮宮俎豆平時未知化導已蒙尸位之譏臨事不克恪恭難免曠官之咎於是飭郡守州牧縣令等職兼以誠教授學正訓導諸員各矢乃心以襄大典預期三日牲牲皆供乎餼牽先事一朝品物盡陳於

類璧齋戒沐浴來觀習樂試歌舞於明倫堂前料量潔清退服寢衣斂精神於尊經閣畔庶幾必誠必信斯夙夜之惟寅無怠無愆知神人之感格是并申之條約用以頒諸學宮業經江南各學遵照奉行在案今本部院蒞任滇黔合行通飭為此仰各府州縣等官并教授學正訓導諸員務希恪遵奉行今將條約開列於左

一既奉

肇聖五王不惟簠簋豆籩照數增設即牲牲亦應各增其四有議共牲者其說不可從考之典禮惟配享有可以共牲者專主無共牲之禮書云文王騂牛一武王騂牛一其明徵也自三代至漢唐皆不聞共牲之說惟後漢有青帝赤帝共一犢白帝黑

## 黃平縣志

卷二十一

藝文

七

帝共一犢者議者非之唐開元時五品以上室異牲六品以下共牲豈有王爵而可共牲者乎其各照數增一為五可也一祭祀祭品皆有定額一豆一籩罔可缺遺況牲取親割以告虔也取其毛血以告全也可既宰而入學門乎豕曰剛鬣註謂其豕肥則鬣剛羊曰柔毛註謂其羊肥則毛細而柔弱此博碩肥腍之所由稱也可以瘦瘠不堪之豕羊而飲之灌之以充牲牲乎既宰且不可瘦瘠且不可況可缺其額數而肥吏胥之囊橐乎月令曰犧牲勿用牝又曰命宰祝循行犧牲視全具按芻豢瞻肥瘠察物色必比類量大小視長短皆中度五者備當上帝其饗註曰上帝且歆享之況羣神乎嗣後各官俱湏先三日親至學視牲牲如法然後稽其數使人牧之以待先一夕親割

雖奸其何所施乎

一丁祭先數日集樂舞生演習精熟先一日與祭官親同往觀不得草率從事

一丁祭先一夕凡與祭官齊集學宮齋宿不得有一員私宿本署

一丁祭之日庭燎燈燭務須光明如晝以俟祭畢後已除神前燈燭外即官員不得各自張燈

一丁祭之日櫺星門內不得容一閒雜人所有事宜止許學書幹辦及小心謹慎門斗二人或四人照管燈燭其官員僕從人等一概於門外伺候萬無使僕從持燈夾墊相隨上殿及上兩廡之禮君師一體毋得自取罪戾以遺失禮之愆

## 黃平縣志

卷二十一

藝文

八

一丁祭之日既不許容一閒雜人自無有搶奪祭燭及祭品之事倘或仍有潛匿門內乘空搶奪者以盜賊論即時擒獲解報以憑盡法重究

一學宮之地聖賢靈爽所依不惟丁祭宜修治肅清即平日尤宜掃灑潔淨近每見黌宮以內栽瓜種菜學圃成澆灌之場曝被曬衣諸生絕往來之路甚至丹楹刻桷徒供蝙蝠棲遲鳥革翬飛盡是黽黿巢穴蛛塵百斛廟貌埋埃垢之中齷糞千箕腥穢聞宮墻之外皆已安之若素久且習為固然甚至先儒先賢兩廡之神牌倒置鄉賢名宦兩祠之神位傾頽非其子孫有誰咨問加之朽蠹若罔聞知凡爾學官所司何職即諸門斗多亦奚為嗣後教官不時巡察務令門斗分班輪值逐月掃除學宮



之內不得容一毫塵埃庶亦無忝厥司慎哉毋忽

學校志論

曹掄彬

自宋仁宗賜兗州學田詔天下州縣立學增置學官歷南宋元明擴而張之至

本朝而師儒縫掖遠溥海外文治之盛于斯為極黃平自建學以來三百餘年掇巍科登甲第者百餘人吁亦可謂盛矣獨是世風日降士多貧窮吾見兒童五六歲亦嘗令就學稍長家貧易而為農者有矣商與工者有矣或吏胥而卒伍者有矣卒業于學者十得一二焉嗚呼詎不難哉雖然亦視乎自奮何如耳苟有傑出之資必不為貧所困試思古來豪傑何嘗不自困苦中來哉獨是先王謹庠序以立教五體六樂七教八政養耆老

黃平縣志

卷二十一 藝文

九

恤孤獨上賢以崇德簡不肖以絀惡非專為人梯榮弋祿之資也是故修之于家而獻之于廷德行高妙志節清白表正風俗視民不佻君相之所敬求長吏之所尊禮也乃或孝弟無稱踰閑蕩檢造請夤緣侵漁武斷圭璧之躬士有闕矣有司束濕又何怪焉司馬溫公曰士先德行而後文藝而經術又為文藝之本蓋經術者格物致知之學所以進于誠意正心修身而為齊家治國平天下之具也今學者焚膏繼晷而唯科舉是務即所謂科舉之文亦非有原本經術發抒義理得之心而宣之口者也不過揣摩迎合圖取膏粱文繡已耳就其所學寧堪自問哉夫人不患才之不成而患志之不立年盛質美始涉學庭講修典訓志道據德之基也積分優補久列膠庠力學不倦依仁游

藝之漸也古之學者自一年以至七年謂之小成九年謂之大成故能經術湛深時務明達本末貫通紹休聖緒敷奏以言則文章可觀明試以功則盤錯皆利出為家國天下之良材處亦人心學術之攸賴也若但取斷爛時文以求應舉粗知對偶便望巍科閭里童昏儼然師塾又安望其知類通達強立不反乎以此求才徒虛語矣胡安定先生教授蘇湖嚴師弟之禮視諸生如子弟諸生亦信愛如父兄其教人之法有經義齋有治事齋經義齋擇疏通有器局者居之治事齋人各治一事又兼一事如邊防水利之類故天下謂湖學多秀彥許魯齋設教燕京弟子出入進退嚴如君臣相其動息以為張弛課誦少暇即習禮或習書算少者則令習拜跪揖讓進退應對久之人人自得

黃平縣志

卷二十一

藝文

十

尊師敬業下至童子亦知三綱五常為生人之道今則博士弟子漠如路人甚者避不相見其師平日之教可知矣鄉塾之師或崇飲戲謔倚席不講弟子亦蔑視其師師之去留不關父兄悉由子弟之好尚如此尚可冀其相與有成乎昔文翁治蜀每出行縣擇諸生之明經飭行者與俱蜀人爭為學官弟子比于齊魯明道先生令晉城鄉皆置校正兒童所讀句讀教者不善輒易置之鄉為社會立科條旌善別惡由此觀之有司者民之父母而師率之責無所諉也誠有司留心文治義學社學聿新棟宇聘有學行生儒主之民間塾師必籍其名覈其文藝品行隆其禮復其身有教約以嚴其師師有殿最有教法以課其徒徒有賞罰月朔與學博諸生講求

御製訓飭士子文文字一本之經術申之以孝弟忠信禮義廉恥無為沾沾科舉是崇都人士之文章德業又焉可量也

請故明指揮陳一德祀名宦狀

羅士良

為孤忠久協輿情異時未邀旌典謹陳死事情由懇入名宦崇祀以豫幽魂以勵臣節事竊照完名者生人之巨節卹死者風世之弘規故志士仁人恆待錄於君子忠臣孝子每獲表於盛朝茲有先明崇禎十六年原任興隆衛掌印指揮陳一德者素性剛方居家孝友三事繼母聿昭底豫之誠兩育遺孤克篤猶子之愛撫已凋之軍士恩比挾纊尤溫賑欲斃之流離情較痼瘵倍切且三世有功於學名存聖座之陰一死無忝於生慘切輓章之筆慨自奏王孫可望以八賊之餘孽脇受明封恃一切

黃平縣志

卷二十一 藝文

十一

己之姦雄妄窺神器尊獻忠為義帝荼毒滇黔幽故主於安籠剪除宰輔作威作孽罪孚燕山三兒任革任因惡比漢廷王莽陳一德目擊心傷泣語同事曰吾儕世受國恩今君父在顛沛百姓罹湯火莫能挽救徒生無益異日諸君當收我於市也衆亦潛然淚下迨至癸巳孟夏秦寇楚歸路經興隆一德上書陳言三事一曰主上播遷甚不得所一曰糧賦太重十倍於額一曰祖制宜遵未可更變書中語言激切觸忌犯鋒遂蹈於刃至死其色不變臨難猶罵不休更可異者西角天鼓應歿而鳴賊庭青氣結空不散而近悲遠泣固無論已總以一念貞誠上為君父靖難下為生靈保全志足動天地泣鬼神雖越年四十事若昨朝而父老子弟猶能疾首傷心者祇緣人以地限有美弗

彰事以世殊雖勝不錄致使九泉之厲節未邀一字之褒崇今撫憲博訪遺事不令曩烈鞠為茂草卹典委於荒煙也伏念臣之死事史不絕書若陳一德殉國於時勢已去之餘抗節於惡燄正熾之日不惜一腔之血以報累世之恩誠殘統之孤芳實邊圉之僅見懇賜勘詳準入名宦崇祀俾幽魂得分俎豆之光而頑廉懦立人心思煥旗常之色而風易俗移輿情允協公論獲明矣

代陳允德等請陳一德妻余氏節孝旌表狀

周學裕

為芳節久協輿情歷來未邀旌典敢祈闡揚節烈獎重彝倫以答幽光以彰潛德事竊惟杞婦銜哀霜操時輝彤管共姜誓死

黃平縣志

卷二十一 藝文

十二

冰心獨映青編振古如斯於今勿替如黃平州已故指揮陳一德之妻余氏為指揮余洪烈之女生等之宗兄嫂也芳苑植根何假婦柔之誠清流濯秀早通女史之箴珠樓傳合香之觴髮方覆額繡帳結同心之侶弱不勝衣乃能定寢晨昏虔供棗栗事始先意承順孝德格天佐夫篤志忠貞抗身報國觀伊夫陳言觸忌有似叩馬孤忠慷慨殉身堪比睢陽厲舌從此玉簫長寂錦衾永隔三秋靈草難尋青鏡忽飛一夕用是冰霜自守志矢栢舟首似飛蓬兼辭膏沐心如匪石獨肩妝樓上事霜姑下撫弱子遲遲春日長如小年嫋嫋清風偏吹素帳無何繼姑染病偃息在床湯藥親嘗衣不解帶忽焉長逝棺槨自盡經營杳矣難追殯葬親為指畫婦修子職潔祭祀以蒸嘗母作師資嚴

義方為庭訓蕭條秋月常登織女之床寂寞春花獨濯扶風之錦丸熊教子截髮奉賓是以長子食廩餼於宮墻蜚聲鬢序次子官訓導於貴筑騰譽藝林咸賴芳徽為之振起遂使太邱之門第媲美琳瑯豈若栗里之庭階半荒松菊至若長齋夜誦花散香燈繡閣朝參聲流貝葉夙契無生之旨超離塵世之緣洵足比節松筠爭光日月者也茲者恭逢  
聖天子闡揚節孝各上憲弘獎人倫呈乞臺前俯念余氏甫歌黃鵠年僅二十二齡歷遍青霜時經五十八載事姑至孝教子成名懇賜勘詳得邀褒異庶幽光騰於閭里桃李生春華袞被於闡轡山川增色矣

以上各篇均由舊志錄出以下或由別書選入或為地方

## 黃平縣志

卷二十一 藝文

十三

人之所著作故年代之先後不一

請忠烈廟南公祀典疏畧

明王憲貴州撫

臣聞以死勤事則祀之為民禦災則祀之竊見貴州城中舊有忠烈廟祀唐忠臣南霽雲洪武初都指揮程暹建至今軍民皆稱其神靈每歲春首風狂境內常有火災及水旱疾疫蟲虎寇盜虔禱於神其應若嚮雖神貺久孚人心而聖代未蒙祀典臣謹考南霽雲在唐天寶末安祿山為亂賊將尹子奇圍睢陽守將張巡許遠與之誓死拒賊嘗求救兵於賀蘭進明初嚙指示信已而城陷霽雲死之茲者顯靈八番陰為禦災捍患乞追賜美諡頒祀典每歲春秋有司致祭非惟聖恩廣布不遺前代之忠臣抑使神惠愈彰永濟邊方之黎庶

改設州縣疏

范承勛

為查議冗員以培民力事該臣看得滇黔衛所併歸臣仰體皇上愛民至意悉心籌畫從議汰冗員甦息軍民起見到任後即檄行二省藩臬會同妥議通詳除滇省各衛所已經臣議裁具題在案據貴州布政使柯鼎會同按察使李之粹公詳復批令再加確議茲據詳稱查黔省衛所康熙十一年間已將清平等五衛改縣安莊衛改州現今尚存十五衛十所其間有專城者有與府州同城者有與州縣犬牙相錯者軍丁耕田納糧與民無異所當分晰裁併改設如偏橋衛在鎮遠一府兩縣之間查施秉縣民糧稀少應將偏橋衛裁併施秉縣仍屬鎮遠府管轄裁去守備一員至施秉縣原未設學裁去衛教授一員改

黃平縣志

卷二十一

藝文

十四

設縣訓導一員舊衛地方應設偏橋驛驛丞一員管理驛務興隆衛地錯黃平應將興隆衛裁併黃平州移州於衛治管理驛站仍屬平越府管轄裁去守備一員經歷一員其原設興偏營改為黃施營營制照舊至黃平州學原兼餘慶甕安二縣學今州治既移興隆裁去教授一員以州學正移駐衛治於甕安縣另設訓導一員兼攝餘慶縣學務新添衛附近貴定縣田賦無多應將新添衛裁併貴定縣移縣於衛治管理驛站仍屬貴陽府管轄裁去守備千總經歷各一員查貴定縣原與龍里縣合學今裁去衛教授一員改設縣訓導一員貴州貴前二衛同附會城應裁改為一縣恐兩縣地方差徭不均將附近新貴縣量行割附應名貴筑縣亦屬貴陽府管轄至兩衛原未設學應無

庸議裁去守備千總各二員經歷一員改設知縣典史各一員此貴東各衛之當裁併改設者也如鎮西威清二衛壤地相接應共設一縣而以赫聲威武二所附之縣治駐於威清管理驛站應名為清鎮縣裁去守備千總經歷守禦所千總各二員改設知縣典史各一員查鎮西衛原附安順府學今二衛改設一縣裁去威清衛教授一員改設縣訓導一員平壩衛路當孔道管理驛站應改設一縣即名安平縣以附近之柔遠所附之裁去守備千總經歷守禦所千總各一員改設知縣典史各一員裁去教授一員改設訓導一員安南衛亦在大道管理驛站應改為一縣即名安南縣裁去守備千總各一員改設知縣典史各一員裁去教授一員改設訓導一員其附近普定縣之定南

## 黃平縣志

卷二十一

藝文

十五

所裁併普定縣附近南籠廳之安籠所裁併南籠廳管轄裁去守禦所千總二員至普安州同城之普安衛應裁併歸州裁去守備千總經歷各一員仍俱屬安順府管轄但普安設有兩站州官僅可管理在城驛務吏目又有佐理巡捕之責其亦資孔一驛應設驛丞一員管理此貴西衛所之當裁併改設者也又會城西北之敷勇衛應改設一縣而以修文濯靈息烽於襄四所附之即名修文縣仍駐衛治亦屬貴陽府管轄裁去守備經歷各一員守禦所千總四員改設知縣典史各一員裁去衛教授一員改設訓導一員又永寧衛係川黔襟喉要地應改為一縣而以普市所附之即名永寧縣裁去守備經歷守禦所千總各一員改設知縣典史各一員裁去教授一員改設訓導一員

畢節衛無州縣可歸亦應改為一縣而以赤水衛附之即名畢節縣裁去守備二員經歷二員千總一員改設知縣典史各一員裁去教授二員改設訓導一員二縣俱屬大定府管轄至威寧府同城之烏撒衛應裁衛歸府裁去守備千總各一員及衛教授一員併歸府教授此西北衛所之當裁併改設者也再查衛所既裁都司一官無所事事亦應裁去武闡事務即令藩司料理操捕都司一官亦應裁去製辦火藥應照他省例責令城守營管理其都司經歷并應裁去以上共應裁去都司一員操捕都司一員都司經歷一員衛守備一十五員衛千總一十員守禦所千總一十員衛經歷一十一員衛教授一十一員俱各咨部改補共應改設知縣七員典史七員訓導七員驛丞二員

## 黃平縣志

卷二十一

藝文

十六

應請內部照缺銓補再查各府有稱軍民者今既概編為民則軍民字樣亦應裁去等因前來臣覆加籌酌似宜裁併改設以昭畫一以垂經久通計議裁各官共六十員議設官共二十三員稍減經費以紓物力或亦省官省事之一助也至有各衛所田土人民跨入他境應查坐落附近州縣酌量歸併及新設之縣幅幘太廣應查近隣州縣糧額多寡酌量割附容臣行令該司逐一查明分晰另冊報部外臣謹會  
題

### 題設新貴黃平等學疏

明 郭子章

臣看得建學育賢為化民成俗首務今據司道會議改平越普定二衛學為平越安順二府學增設黃平州新貴縣二學裁平



越衛學訓導改黃平州學學正裁宣慰司學訓導改新貴縣學教諭此一轉移間不煩官帑允宜建設黃平州學除土司土著子弟照舊取考外其新民子弟須照禮部題準近例三十年後方準收考今據司道府會議黃平等州縣乃新造之邦土著鮮少禮義不知新民子弟目前準其收考文理平通者止許入學不許觀場待三十年方許入試既不失化誨苗方之意又不礙冒籍中式之例似應俯從其平越安順二府學廩額貢期俱照都勻府學例各廩二十名一年一貢黃平州學準廩十名二年一貢須在十年之後方準起貢二衛學印記當改為二府學印記至於增解額一節邇來黔中文教漸昌庠序日增且會試中式不下於粵滇而鄉試解額獨少於二省似應於原額量加以

## 黃平縣志

卷二十一

藝文

十七

廣聖化伏候睿鑒施行

題禁協夫疏

雲貴總督

甘文焜

為恭陳協夫為黔民之大害特請

天語嚴飭永禁事竊臣於康熙八年五月二十八日抵黔任事沿途村落凋零民苗困憊日擊實所不忍初尚未解其故及履任博採輿情細察民隱始知病在兵燹之後協夫繼之也查開黔之初順治十六年設驛馬匹官養官當每驛設馬夫二十五名每名月支工食銀六錢米三斗因僱覓乏人前撫暫令隣近漢土百姓代應養馬彼時大兵雲集餉鞘繁多經畧臣洪承疇題請給價僱夫擡運緣民人稀少前任撫臣趙廷臣議於相聯僻壤州縣每站派幫夫數十名原期不悞餉鞘不過一時以軍

機為重權宜之意既經

題準自康熙元年為始每站設長夫一百名每名月支工食銀四錢五分米三斗應差所有派幫之夫自應免派不意各官僱募不力仍照前派幫濫用相沿年久竟為成例以致民苗不得耕種躲避廢業米價騰貴村落荒殘民窮不堪臣訪得實會同撫臣佟鳳彩已於康熙八年七月二十日痛革轉飭各驛站一遵定例募僱長夫遞運餉鞘其濫索等弊概行釐革從此民苗始得休息力事耕耘田地漸闢本年米價減至一錢二三分一斗較臣抵任時每斗二錢五六分已賤一倍各處荒村漸次構茅結屋已有起色明驗誠恐將來不肖官弁巧生機變漸萌釁端協夫復舉則黔民復受其害伏乞

黃平縣志

卷二十一 藝文

十八

天語嚴飭方可永除沿習積弊民生幸甚庶無負

皇上加惠元元之意也

按黃平為滇黔通道夫役之苦舊志已泣涕言之矣至光緒中興後人民痛苦大非昔比不意反正之後軍事日繁客兵主兵連年不已均以當道之民為負荷更至近時各軍包運客貨不惟僅收護送費用乃損抬亦并包之月內五六往返不獨沿途混挪且行文與地方官硬要派人負擔回首專制時代反覺光天化日然則清朝之以胡人入主二百七十年間豈可倖獲今編藝文見此題奏亟選登之用告民國軍官當茲哀鴻遍野勿使流離失所彼此均是黃種獨令草野耕夫為印度之黑奴為非洲之紅蠻於心何忍編書人甚望為

甘忠果公之留遺愛於百世下也

夜郎考

靖道謨

且蘭夜郎皆南夷名史記云西南夷君長以十數夜郎最大是且蘭非夜郎匹也楚莊豪循沅水至且蘭楸船於岸而步戰遂滅夜郎以且蘭有楸船處乃改其名為牂柯豪既留王滇夜郎且蘭仍自立為國漢武平南夷置牂柯郡領縣十七後漢領縣十六皆首敘且蘭而夜郎反為屬縣晉永嘉二年分牂柯立夜郎郡領夜郎四縣於是夜郎始列於郡劉宋蕭齊皆因之隋地理志有牂柯郡復有牂柯縣而夜郎之郡縣皆無梁陳周書俱不志地理遂不知廢自何時也唐以隋牂柯郡之牂柯縣置播州而縣有三夜郎之名武德四年析夷州之寧夷縣置夜郎貞

黃平縣志

卷二十一

藝文

十九

觀元年州廢縣亦廢八年析巫州之龍標縣置夜郎十六年開山洞置珍州亦置夜郎縣長安四年以龍標所析之夜郎置舞州天寶元年更縣名為峩山龍標之夜郎當在今黎平鎮遠之間夷州之夜郎當在今石阡思南之間珍州之夜郎則今遵義之正安州桐梓縣矣巫州夷州之夜郎或廢或更名珍州之夜郎置之最後而自唐迄宋名未嘗改於是人止知播州之為夜郎而亦不復知夜郎之大矣漢書云唐蒙從巴蜀笮關入遂見夜郎侯又云夜郎東接交趾自西徂東奚啻千里亦無怪當年夜郎之自大也

夜郎且蘭牂柯辨

蔡宗建

夜郎牂柯稱名不一城域治所亦無確據然自偏橋以西鎮遠

以東沅辰以上皆其地漢書云唐蒙從巴蜀笮關入遂見夜郎侯又云夜郎東接交趾自西徂東幾數千里班史所謂夜郎最大者也按楚莊豪循沅水至且蘭楸船於岸而步戰遂滅夜郎以且蘭有楸船牂柯處乃改其名為牂柯漢武征南夷置牂柯郡領縣十七後漢領縣十六皆首敘且蘭又按田中丞黔書載且蘭即今之遵義夜郎即今之桐梓又云牂柯舊治在思南又云甕湄且蘭舊地今沅水源於澠水澠水源於黃平舊州之都凹山與甕安之清明山諸溪水合流水經注云沅水出牂柯且蘭縣為旁溝水是也則知楸船處非鎮遠即黃平其視遵義湄潭相去亦大懸絕矣可知且蘭當在鎮遠黃甕之間然則且蘭之名先於牂柯而夜郎乃統屬之稱故有夷州之夜郎珍州之

## 黃平縣志

卷二十一

藝文

二十

夜郎巫州之夜郎播州之夜郎龍標之夜郎夷州則思州石思皆其地珍州則正安桐梓蜀之綦江皆其地巫州則辰沅靖皆其地播州則平越遵義皆其地龍標則黎平銅仁皆其地人止知播蜀之為夜郎而不知鎮遠以東辰沅以上皆夜郎也又按靖道謨云晉永嘉二年分牂柯立夜郎郡領夜郎四縣於是夜郎始列為郡劉宋蕭齊皆因之隋地理志有牂柯郡復有牂柯縣而夜郎之郡縣皆無梁陳周書俱不志地理遂不知廢自何時也又云唐長安四年以龍標所析之夜郎置舞州即鎮遠天寶元年更夜郎縣名為峩山是鎮遠亦稱夜郎凡此皆可疑雖秦漢而來易封建為郡縣然夜郎自大恐未必內附何得而郡縣之或如今之交趾緬甸郡縣而不屬之內地耶至舊志以牂

柯在思南則大非是何也莊豪溯沅水至且蘭楸船於岸而名  
牂柯漚水不通於思南思南河源於烏蒙即烏江歷開州甕湄  
思石下入彭水合岷江勢遂大下三峽至荊江直與黃河長江  
埒距長沅之水則東西背馳矣豈能以沅州上且蘭之水為思  
南之水德江乎哉當楚頃襄王時巴蜀漢中盡為秦所有楚豈  
能越人之國以伐人國乎哉故有謂鎮勻銅黎之水為牂柯水  
則可謂思南河為牂柯水則不可也

按鄭旻牂柯解以烏撒七星關水為牂柯之源非是又云漢使  
馳義侯因巴蜀罪人發夜郎兵下牂柯江咸會番禺乃今盤江  
灘瀨險惡虛無行人豈古今時異勢殊耶亦自無可解矣又按  
田中丞牂柯考云且蘭即今之遵義夜郎即今之桐梓牂柯即

## 黃平縣志

卷二十一

藝文

二十一

今之烏江自遵義湄甕至印江

烏江不能  
至印江

入思南城西之巴江

水其地有牂柯舊城址漢牂柯守陳立據思邛召夜郎王將兵  
破之牂柯舊治既在思南則牂柯江宜在思南而其楸船之處  
不在巴江亦必在印江蓋印江與湄甕接壤

印江不與  
湄甕接壤

而湄甕

乃且蘭舊地楸船於岸或即此也予謂不然諸公之論牂柯必  
據後漢書云楚將莊豪循沅水至且蘭伐夜郎楸船於岸而名  
牂柯然竟不思循沅水三字耶且並刪卻三字以故聚訟紛如  
不知沅水不能與烏江合思南之水德江烏江水也其源由於  
貴筑之南明河流新添開州之巴香乖西至清水江棉花渡樂  
旺河至湄潭界之合口河湄潭之諸水來注之遵義之湘江仁  
江洪江諸水來注之折流甕安之船頭攔僧家渡下震天洞江

界河袁家渡以至巖門晏文宗所謂楚蜀通津也有餘慶牛場河來注之東入石阡之甬口至思南塘頭為水德江至婺川界有印江思邛諸水朗溪諸水來注之有婺川之煎茶溪水來注之印江即古思邛縣下注蜀之合江入涪州而合於岷江唐史稱涪陵水方輿勝覽稱思州有巴江水是也蜀賈鹽艘又可抵土城曰赤水然是由川逆入者也非循沅而入也溯涪陵水可抵思南水道險惡必盤壩往往虛舟逾險乃可達然是由川逆入者也非循沅而入也或曰沅水可至銅仁之江口以近思南是又不然江口之水發於酉陽司梵淨山諸水合流通麻陽辰谿以注於沅水下然沅水可抵江口非可以抵思南也又何由楸船於印江且何由楸船於古思州之巴江耶故予斷以鎮陽

## 黃平縣志

卷二十一

藝文

二十一

江為牂柯江大抵黔中水道要舉其梗概之大者言之或入於蜀或入於楚或入於粵其餘小溪會合則各州府縣隨在皆有不可勝數蓋黔地多山亦多水山隈中諸泉合而成小溪諸小溪合稍大而成河以注於入蜀之江注於入楚之江注於入粵之江諸縣志可得其詳也他事可援據史集至於地理水道則必目及身親不可以臆而斷也舊志往往錯誤殊不可解

### 五王位次議

鄂爾泰

為以五王位次頒示各學事照得本部院前在江南據宜興縣學詳稱轉奉憲牌即將啟聖祠改造謹繹部文內開添設神牌按昭穆位次或係正位南向餘依世代東西分別或以五代並皆南向止照左右次序分別昭穆原未經示明相應詳請批示

遵行本司看得奉 上諭將

肇聖王裕聖王詒聖王昌聖王啟聖王加封王爵改造聖祠添設神牌此誠千古未有之盛典萬世不朽之鴻猷也但昭穆位次若非依據經文詳請定式則即一省之內各府州縣互有異同非以尊崇聖教仰答

帝心也今博採經傳準古酌今欲令各學規模歸於畫一未敢擅專謹依稿詳議呈列於左謹按典禮該學所稱肇聖王以下昭穆位次所謂正位南向餘依世代東西分別者非也所謂並皆南向照左右次序分別昭穆者亦非也嘗考諸經義周禮春官小宗伯辨廟祧之昭穆而昭穆之名始見於此禮記王制天子七廟三昭三穆與太祖之廟而七諸侯五廟二昭二穆與太

黃平縣志

卷二十一

藝文

二十二

祖之廟而五而昭穆之位次未有聞焉祭統曰夫祭有昭穆昭穆者所以別父子遠近長幼親疎之序而無亂也此雖主生者之昭穆而言而亦可知昭穆之義大抵取於有別有序而無亂者也至於昭穆位次於經義皆無所據後世儒者議論紛紜鮮所適從古今禮制既殊其廟貌規模廣狹豐儉之度亦難以古制相繩惟博採朱子之論明乎禮意之所在以為之折衷可耳朱子嘗引孫毓以為外為都宮太祖在北二昭二穆以次而南考諸孫毓之說宗廟之制外為都宮內各有寢廟別有門垣太祖在北左昭右穆差次而南由此觀之則廟中之主昭穆各不相望而義取於有別今所謂並皆南向左右次序分別昭穆者是無別之甚者也故謂其說非也朱子之言曰太祖之廟始祖

之君居之昭之北廟二世之君居之穆之北廟三世之君居之昭之南廟四世之君居之穆之南廟五世之君居之廟皆南向各有門堂寢室而墻宇四周焉凡廟主在本堂之室中皆東向及其祫於太祖之室中則惟太祖東向自如而為最尊之位羣昭之入乎此者皆列於北牖下而南向羣穆之入乎此者皆列於南牖下而北向南向者取其向明故謂之昭北向者取其深遠故謂之穆蓋羣廟之列則左為昭而右為穆祫祭之位則北為昭而南為穆五廟同為都宮則昭常在左穆常在右而外有以不失其序一世自為一廟則昭不見穆穆不見昭而內有以各全其尊由此觀之古者廟皆南向廟主皆東向羣廟之制雖左昭右穆皆以各全其尊惟祫祭始屈於太祖之尊而就南向

黃平縣志

卷二十一

藝文

二十四

北向之列則各全其尊者常也屈於所尊者暫也今所謂正位南向餘依世代東西分別者是使居正位者止一肇聖自此而下啟聖亦不得以自全其尊而常就旁列故其說亦非也朱子之言又曰後世公私之廟皆為同堂異室而以西為上者何也曰由漢明帝始也降及近世諸侯無國大夫無邑則雖同堂異室之制猶不能備南渡之後無復舊章雖朝廷之上禮官博士老師宿儒莫有知其原者是古制之不可復見朱子已言之矣然則如之何而可為之準古酌今依經傳義則莫若廟固南向主亦南向不可謂古是而今非也況弟子之於先師後人之於先聖既南向則主祭者以下皆得北面是南向之禮固一定而不可易者也而欲各立一廟以成尊勢有不能同居一室而無



別禮又不可今惟就廟之中隨其地之廣狹分為五室所謂五室者非能準諸古制不過如今之所謂龕是也以肇聖仿始祖之禮居於正北裕聖居左詒聖居右稍次而南更約前尺許而肇聖之室視裕聖詒聖約深尺許裕聖詒聖視昌聖啟聖復約深尺許從外觀之則五室並齊從內觀之則位之淺深各殊系之尊卑自別則五聖之靈其亦可安矣乎要而言之則同在一廟即外為都宮之禮也肇聖居北即太祖居北之禮也四聖以次而南即二昭二穆以次而南之禮也左昭右穆即不失其序之禮也各為一室即各成其尊之禮也子游不云其庶幾亡於禮者之禮也其動也中予不敢自謂其說之果中亦庶幾亡於禮者之禮也夫若此者變而不失其為常也權而不害其為經

黃平縣志

卷二十一

藝文

二十五

也變而可常權而可經則於禮也其庶幾乎此議業經江寧撫都院行之七屬復經兩江督部院頒示兩江在案今本部院蒞任滇黔所有五王位次擬合頒行

請開貴州鄉科疏

田秋

臣秋原籍貴州思南府人竊惟國家取士於兩京十二省各設鄉試科場以掄選俊才登之禮部為之會試然後進於大廷命以官職真得成周鄉舉里選之遺意所以人才輩出視古最盛惟貴州一省遠在西南未曾設有鄉試科場止附雲南布政司科舉蓋因永樂年間初設布政司制度草創且以遠方之民文教未盡及也迄今涵濡列聖休明之治教百五十餘年而親承皇上維新之化又八年於茲遠方人才正如在山之木得雨露

之潤日有生長固非昔日之比矣臣愚謂開科盛舉正有待於今日也且以貴州至雲南相距二千餘里如思南永寧等府衛至雲南且有三四千里者而盛夏難行路險峻瘴毒浸淫生儒赴試其苦最極中間有貧寒而無以為資者有幼弱而不能徒行者有不耐辛苦而返於中道者至於中冒瘴毒而疾於途次者往往有之此皆臣親見其苦親歷其勞今幸叨列侍從乃得為陛下陳之邊方下邑之士望天門於萬里扼腕嘆息欲言而不能言者亦多矣臣嘗聞國初兩廣亦共一科場其後各設鄉試解額漸增至今人才之盛埒於中州臣竊以為人性之善得於天者本無遠近之殊特變通鼓舞之機由於人者有先後耳今設科之後人益向學他日雲貴又安知不若兩廣之盛乎議

## 黃平縣志

卷二十一

藝文

二十六

者曰科之不開病於錢糧之少臣竊以為不然蓋貴州雖赴雲南鄉試而舉人牌坊之費貴州自辦也鹿鳴之宴貴州自備也今所加者不過三場供給試官聘禮耳鎮遠永寧等稅課司每歲不下數百兩思南府又有棉花稅若設一稅課司委一廉幹府官監收之每歲亦可得數百兩只此數項足充其用況求才大事又可靳於區區之小費乎且歷年撫按官亦屢有舉奏蓋一方之志願上下之同情其建置之地區畫之詳在彼必有定議乞勅該部再加詳議舊額二省共取五十五名雲南三十四名貴州二十一名臣請於開科之後量增數名以風勵遠人使知激勸則遠方幸甚

臣按黔省本西南荒徼入中國版圖最後古以蠻彝目之然鬼方懷服于殷宗髡微聽誓于牧野固已沾三代聲教矣後王失馭廢為狃獠莊躋畧地如同過客夜郎之知漢大則自武帝始也東漢末牂牁尹珍自以生于荒裔未知文學從汝南許慎授經還里教授傳寶尹貢之徒并有名德號南州人士而周公仲尼之道亦漸漸及之矣後帝建興間丞相諸葛亮南征蠻酋濟火刊山通道聚糧以應王師功成表為羅甸王是出谷遷喬識漢家得統之正賢於鄴下江東昧義而扶漢賊者遠也山川之靈秀將開惜晉宋隋唐以下莫有起而振之朝貢時通因革時頻亦視為蠻苗羅鬼偶爾羈縻而已趙宋中葉始名貴州然分隸楚蜀而政教無聞元時稍擴而大至明永樂間設貴州布政

## 黃平縣志

卷二十一

藝文

二十七

司始自為一省亦未立學校興教化宣德中始命合雲南鄉試嘉靖十四年始開科本省有成進士讀書中秘者孝義節烈亦遂羣然以興人文風氣駸駸欲上然地多蠻獠居民鮮少魑結侏儻半不通語言文字盤踞深山密箐中累累作孽蓋自建省以來終明之世蠻彝土賊叛者三十有三中間圍省城陷府州縣衛者十有四殺巡撫藩臬道府州縣總兵參將指揮都司守備等官先後百有餘員小者隨時撲滅或二年半年即平大者三五年或十數年如米魯不過一蠻婦六年乃平金石蠻石承寵臥龍蠻王阿倫或十年或六年乃平銅苗鎮苗陷思州石阡十餘年乃平播酋楊應龍抗王師六七年合川湖貴之兵乃平安邦彥水西餘孽圍省城一載合湖廣援兵僅得解圍曾不旋

踵而六廣內莊全軍覆沒巡撫總兵膏塗原野披猖至七八年  
傾五省之甲乃克平之又五六年而餘黨始盡凡皆連歲兵戈  
瘡痍未起鳴鏑又至二百年間曾無生聚休養教訓之日安望  
其人文物采與上國絜短長也明社屋流賊橫丁亥戊子年間  
偽秦孫可望陷遵義入貴陽屠貴陽城屠定番安莊安南普定  
諸城而人煙絕數百里哀鴻甫集王祥皮熊構釁相攻復圍貴  
陽孫可望復自滇中遣黨白文選襲入貴陽李定國繼至蹂躪  
抄掠居民相率投彝反以苗峒為安身之所哀此十餘年間生  
靈塗炭極矣順治十五年我

世祖章皇帝命宗室大臣帥師臨黔羣盜風捲居民始見天日  
俄會師取雲南明年勦馮天裕又明年征馬乃康熙三年平水

## 黃平縣志

卷二十一

藝文

二十八

西版圖式廓流寇叛彝以次殲滅然郎岱黎平烏撒田心定番  
廣順都勻諸苗蠻猶相繼伏莽頻血天戈而逆藩吳三桂舉兵  
反復陷貴陽天不容逆殛死衡州孽孫世璠尚據貴陽黔民在  
湯火之中幸

聖祖仁皇帝廟算神威迅速誅鋤康熙二十年以後宇宙肅清  
恩膏屢沛黔省民彝始知太平之樂於今四十餘載負耒橫經  
嬉遊含鼓其民庶朴陋有古風士大天亦質直而知廉節至於  
苗蠻婦女間有貞烈可不謂過化存神速於置郵而傳命乎乃  
當今仕宦尚以黔為畏途謂其山高地僻土瘠以荒民貧以鄙  
無文獻之足觀有異類之難馴夫湮鬱之開在人不在地轉移  
風氣在官不在民苟實心經理行力農務本之政礪確可化為

膏腴曠土荊榛悉令墾闢寬其成賦課其惰勤鑿山疏泉堰澗  
谷為水利崇原廣阜可灌而耕樹藝畜牧竹木果蓏牛羊鷄豚  
之利可貨可飽不出十年其民大富教之以孝弟忠信急公奉  
法寓軍政於保甲之中聯絡鄉村守望相助飭營伍勤訓練生  
苗他盜莫敢相侵則弱可強作興學校多置書籍明聖賢之道  
以道之以蘇湖安定之規育經義治事之才薊陋文風日振日  
上而苗蠻亦薰以絃誦漸為衣冠文物之人民生苗亦樹之風  
聲將為戶口貢賦之黎庶山川險阻乃足壯國家藩籬夫何嫌  
於鄙僻哉吳越之初皆為蠻彝而至于今乃能若彼地固不能  
限人豈於黔而獨限望官斯土生斯土者共勉之

治亂頻仍之故言之鑿鑿總見得政教之不可不修而又不

## 黃平縣志

卷三十一 藝文

二十九

難於修文勢雄渾浩瀚信乎風檣陣馬不足為其勇也 極  
力為黔省擡高身分而責成於撫黔之人是作者留心經世  
處

建文帝君臣論

張 澍

余嘗讀史至金川門失守而王鉞言高皇帝有遺誠既得鐵函  
鑰柙度牒剃刀竊歎饜弧箕菴妖讖亡姬蒿棘女冊天心割漢  
似有定數不可以人力爭亦由聖祖不建青宮輔弼俾作皇覺  
餘裔也又念少康逃竇終秉元圭宣王潛閭仍杖黃鉞五年而  
天節反一旅而中興奏則忍辱圖存乘機觀變未始非識時之  
俊杰撥亂之雄才方其成皇死沙場昭帝居諒闇俺答鳴鏑戈  
鋌鈍於邊關高煦磨牙蜂蠆伏於肘腋國執孤注人情狐疑必

不能長駕遠馭皋牢萬里之外而滇黔地險沐氏兵強假令效勃蘇頓庭威公泣血自能發勇氣於仲禮唱義聲於濟陽濮軍出荆門即襄鄧可搖戈船下漢南即長江可據奮青邱之神劍返紫宮於彝庚仁壽之鏡重明雲臺之仗復設握符闡珍當不其難或者謂夏桀浮舟是為失位夷吾返國終辱先君故文叔受符不憂成帝復生元聖西歸苦讓忠王繼統也豈知惠王居櫟殺子頹而返都襄王居鄭誅太叔以奠位伯者克定其難春秋不以為非況未虐謗人翻同流彘未警蛾賊竟爾蒙塵反謂三靈改卜九廟弛縣豈熏丹穴以求故君忠乃不足閉沙邱而餓主父事固有名歟無如斷鼇難期荒野永遯嘒痕浸淫於枕席黃屋寄寓於團瓢不知晉鄙之依疇為共和之計黃圖赤縣

## 黃平縣志

卷二十一

藝文

三十

置之罔論毋亦諒精衛不能塞海愚公不能移山遂甘心於瘴雨蠻煙罔筮夫貞風熾火哭連鸚鵡寓公誰迎謠應豆田出帝不返雖亡國大夫不足與言事而千秋直史何未書均房乎昔者玄囂降泝水而容與杜宇禪開明而遠放要皆榮遺松棟罔念萬國衣冠塵視玉軀何計三泉鳧雁乃誦嚴楞而白髮蕭蕭敲梵磬而天門蕩蕩聖人寶失虛想早朝之雅法王輪空尚戀荼毗之骨母亦備嘗險阻精力銷亡魂將斷於祖龍方思山鬼銜璧運已去於佛狸又恐帝貳實鹽思歸葬西山故明廷自列乎至若痛哭之五十餘人從亡之二十二士沐風櫛雨胼手胝足四十餘年忘其勞勩吟不動於龍蛇走自効夫牛馬雖無仁傑之偉烈返金輪於廬陵亦有子家之孤忠奉馬鞍於野井所

謂朱炎鑠石不靡蕭邱之木凝冰慘栗不凋款冬之花義悲六合仁感萬禩以視當日之韜面授衣開門延敵昧衛難之洪義拜殿下而主臣者豈可同年語哉

請修州志呈

具呈黃平州紳士李 臺王孚鏞周卜年朱文虎戴德彬陳遠修鄔秉鑑戴九德王德遠張廷魁徐懋迪劉奇相王錫祺張道統賈思達劉琬西吳會雲等呈為創修志乘以光文教以資考證懇恩詳請飭辦事竊惟國家重熙累洽稽古右文四庫書薈萃淵涵纂述定千秋之論一統志搜羅完善車書徵萬國之同凡茲海澨山陬盡入天璣甄度遐荒僻壤悉歸

黃平縣志

卷二十一

藝文

三十一

盛世鴻圖誠哉德洽垂謨允矣治資鑒古惟我黃平地雖隸乎邊隅俗久濡夫雅化遐稽宋代粵傳狼洞之名暨及熙朝移建興隆之衛既禮陶而樂淑風氣日新亦摩義而漸仁民苗稱樸顧山川形勢不難援古以證今而品物人文漸已增華而踵事以至城郭興廢之蹟津梁因創之原要皆今昔異宜先後殊致苟致簡編有缺紀載無聞則儒生考古得毋嗟文獻之無徵太史陳風不幾嘆輶軒之莫採誠士民所共憾亦閭里所滋慚者也今者民康物阜戶慶盈寧歲美時和人懷樂利矧際凱歌載道正修文偃武之時欣逢賢牧下車仰勵俗維風之治鏞等衆議捐貲修理合州志書凡有紳士耆民咸稱踴躍理合公呈稟懇

父臺俯順輿情轉詳

上憲如蒙允準俾獲興修付之剗劂以垂久遠則從川原品類之間源源可按城市園廛之內井井堪稽將見挈領提綱一展卷而瞭如指掌庶幾信今傳後雖逾時而炳若日星功莫大焉典至鉅也幸惟垂察伏候

鴻裁為此具呈瀕至呈者

黃平州正堂陶 批候據詳飭遵詳奉

平越府正堂郭 批當茲

盛世允興稽古之文況有名賢堪繼陳風之蹟所詳事屬可行仍候各

憲批行到日另檄飭遵此繳又奉

### 黃平縣志

卷二十一 藝文

三十二

糧儲道孫 批仰平越府飭候

兩院學憲暨 藩臬司批示遵辦繳又奉

按察使司張 批據詳已悉仰候

兩院暨 藩臬司批示飭遵繳又奉

布政使司常 批據詳州屬紳士李臺等呈請修理合州志書

緣由洵為盛舉應與施行仰平越府速即飭候

督撫部堂暨 臬道司批示到日擇吉舉行仍俟工竣刷送一套呈

閱可也此繳又奉

巡撫部院馮 批據詳州屬紳士李臺等請修志乘以備稽考而徵故實應否舉行及作何辦理之處仰布政司查議詳奪再黔省通志年久缺修亦應查核辦理仍候



督部堂批示繳又奉

督部堂鄂 批據詳州屬紳士通政使李臺等衆議呈請捐資  
修理閤州志書緣由仰貴州布政司查議飭遵具報仍候

撫部 學 院批示繳

創設卷田學田呈

金崇城

具呈進士金崇城舉人黃嘉善王家駒張起鵬副指揮劉肇修  
衛千總王玉麟武舉駱兆麟貢生戴德樞胡經兆孟芳芝黃嘉  
樂韓世鰲拔貢楊瀚之生員曹毓楓陳先柱杜大模吳達治周  
紱傳王培玉周珍傳曹毓榮周培林維炳曠永超陳琳王應元  
劉發淳陳允清杜秉鈞樂宮懸時大均羅文昭楊文彬沈德恒  
黃溥王體緒李迎泰鄭如蘭李金張杰徐步雲監生劉斯紱等

黃平縣志

卷二十一 藝文

三十三

為創置卷田學田以資進取懇賞準批示事竊惟

荀香到處遐邇悉荷栽培

喬烏飛來樸秀咸歸作育蓋

天子恒以重道崇儒為切務而有司即以正德勸學為要圖惟  
我黃平州實當邊境沐

熙朝之雅化戶習詩書體君子之愛人家知絃誦向風簷而角  
技濟濟英多從

上國以觀光蒸蒸日上惟是邑多山水地鮮膏腴亦有單寒不  
皆殷實每當州府院試或苦資斧之莫給招覆不前或傷試卷  
之無資向隅徒嘆十年勵志一旦灰心我見猶憐誰能遣此又  
況廣文一席夙號冷官植桃李而半菽如初何以奉先生之饌

遊泮璧而束修罔藉何以將弟子之儀此誠新進所同羞而尤老成所滋憾者也州人兵部差官候選衛守備劉奇揚乾隆己亥科武舉也兩州公事閱歷多年屢念廛於寒儒素情敦乎梓誼首倡義舉嘉惠來茲爰變產捐銀貳千兩交給<sub>崇</sub>等買置彭世豐等田叁契約出穀伍百餘挑措辦文武生童州府院試卷於是聞風向慕者則有由百兩以至數百兩不等均屬共濟和衷垂諸久遠以資進取之路永為鼓勵之階而闔州士民覩茲盛事咸思量力普捐共成善舉則卷田學田皆可次第觀成矣前此輸將無幾是以殷牧任內未便稟明茲當賢牧下車之時正值義舉將成之會謹邀同志仰叩

## 黃平縣志

卷二十一

藝文

三十四

### 崇墀敬懇

仁恩玉成斯役將數百人之有造有德棫樸同歌而千百世之為棟為梁甘棠永慕矣為此具呈瀕至呈者

#### 創設卷學田詳

玉峯 易寶善 州牧

為詳請立案事據州屬進士金崇城舉人王家駒等稟稱竊以見義勇為輿情永洽樂善不倦士論咸推恭逢我

聖朝累洽重熙戶皆絃誦幸遇賢司牧勸農講學士爭濯磨應試之童額加增山邑之文風丕振第黃平崇山峻嶺地瘠民貧其間員耒橫經率多寒士考期日近方憂資斧莫供招覆榜懸更嘆試卷難備銀袍立徧外望傷心鐵硯磨穿當場裹足此有志之士往往因貧不能與考實堪憫恤茲有州屬武舉兵部差

官候選衛守備劉奇揚垂念寒儒特創義舉捐銀貳千壹百肆拾兩買民田計九段捌拾捌坵出穀伍百伍拾挑除分佃外實收穀貳百柒拾伍挑由經理首事交給州禮兵二房分收備卷數千本以作歲科兩試文武生童應試招覆補考考古出貢考拔卷價之費自道光九年歲試起及本年科試業經舉行著有成效從此白屋生童歲科場得遂觀光之志而赤貧子弟正覆試不阻初進之階<sup>崇</sup>等共勸其事樂觀厥成所有置買田契四張一並呈繳州存案稟乞轉詳立案以垂永遠等情據此<sup>卑職</sup>查該武舉劉奇揚情殷造士志切樹人俾風簷有染翰之資寒畯無向隅之嘆似應俯順輿情以仰副

憲臺作育人材之至意除將田契附卷外所有據稟創捐卷田

## 黃平縣志

卷二十一

藝文

三十五

緣由理合詳請

憲臺俯賜查核批示立案再劉奇揚加惠後進甚屬可嘉可否量予鼓勵之處出自

憲恩為此備由另文申乞

照詳施行瀕至冊者

題請劉奇揚入祀黃平鄉賢

題為議覆入祀名宦鄉賢事禮科抄出貴州巡撫蔣蔚遠等疏稱已故武舉劉奇揚富而好禮勇而有仁請入鄉賢祠造具事實冊結具

題奉

旨該部議奏欽此欽遵抄出到部

該<sup>臣</sup>

等議得定例各省舉

報名宦鄉賢該督撫學政每年八月前具題併將事實冊結送部於歲底彙題應確覈事蹟儻名實不能相副及僅以人品學問空言譽美者即行指駁以昭慎重等語今查各該省送到事實冊結內開已故貴州黃平州武舉劉奇揚性純孝嘗割股以愈父疾侍母側以斑衣為戲居喪粒米不入口者數日三年廬墓終夜哀號鄉人為之感動戚族中貧乏不能婚娶者助之州人施朝禮負債一千四百金債主亦孤客迫切挽朝禮將投河該武舉代償俾得兩全凡戚里負債及逋賦皆代為完納而不責其報濫泥溝賊藪也該武舉攜金往彼苦心化導三年餘人皆改過為善尤關心公事凡學宮義塾社倉橋梁書院膏火賑饑粥廠莫不出資倡義以集其事該撫所請劉奇揚入祀鄉賢

### 黃平縣志

卷二十一

藝文

三十六

之處洵為名實相副<sub>臣</sub>等謹抄準其入祀鄉賢祠再此本向歸年終彙題併合聲明<sub>臣</sub>等未敢擅便謹

題請

旨

咨抄

禮部為知照事儀制司案呈禮科抄出本部彙題已故官高鴻飛等入祀名宦鄉賢祠一疏於咸豐五年十二月十二日具題十四日奉

旨依議欽此欽遵抄出到部相應抄錄原題知照貴州巡撫遵照辦理可也

請劉奇揚入祀鄉賢祠呈

具稟舉人張起鵬駱澍遠武舉楊春芝王化龍拔貢周焠貢生  
葉煥林盧履廷生員陳琳孫翹澧林有聲張模林芳傅高賢劉  
華森徐方曾郭經邦孫翹源林茂昭張拱楊燦林蔭南吳華章  
韓榮邦監生蕭永全張萬青鄔澤沛胡森林金枚職員劉澤鍾  
耆民張應亨等為稟請牒州申詳題奏入祀鄉賢祠以彰善行  
事竊聞州閭鄉黨首重賢良秋祀春嘗用隆崇報茲有武舉劉  
奇揚者中式乾隆四十四年己亥

恩科鄉榜歿年九十二歲平生樂善好施急公尚義卷田獨置  
寒士悉遂觀光橋座建修行旅無虞朝涉設義塚則澤施泉壤  
新壇廟則功在城闈及乎饑饉薦臻則倡首濟拯而災黎全活  
萑苻竊弄則盡心化導而羣惡皆良凡茲美行昭然久為閭州

## 黃平縣志

卷二十一

藝文

三十七

共式洵足稱一鄉之賢達尚未叨享祀於蒸嘗舉等會集紳耆  
推甄實行懼夫時遷世遠終致淹沒之不彰幸今輿頌鄉評猶  
是當年之公論況值

公明在座欣逢百廢俱舉之時採訪搜遺正無一善不揚之候  
恭乘嘉會宜闡幽光理合臚粘事實合詞公懇

大父師臺前賜文申詳轉請題奏入祀鄉賢祠俾該武舉獲邀  
祀典永彰善行於來茲舉等亦厚沐深仁共荷  
榮恩於不替為此具稟伏乞

俯賜察核批示施行

陳請黔省勦匪事宜疏

石贊清

貴州之賊半皆散練難民為官吏逼迫而成加以兵餉奇絀疆

臣無術蔓延至今誠能選擇將帥及牧令權度先後緩急勦撫兼施不過一年決可平定敬陳管見八條一事權擬歸併也貴州全省糜爛萬難自強必借資川楚始能勦撫安民又必歸併事權始能用兵籌餉請照雍正年間鄂爾泰三省總督故事令駱秉章總制川滇黔三省一辦理有緩急也以滇黔兩省情形而論滇患止於迤西而東川昭通尚有餉源可開黔則全省皆賊人民相食以機勢而論先黔後滇則川東不設防而兵餉裕蜀力處於有餘先滇後黔則川東必設防而兵餉薄蜀力苦於不逮請專力辦黔然後料理滇事一用兵有先後也黔省下游自龍里貴定平越清平黃平以達施秉鎮遠清溪玉屏旁及都勻清江古州黎平等處皆係苗匪窟宅自開州餘慶甕安龍泉

黃平縣志

卷二十一

藝文

三十八

以達思南石阡思州松桃等處皆係號匪盤踞至貴陽遵義大定安順四府則苗匪號匪互相勾結苗匪坐守窟宅而堡寨林立攻之似易而難號匪飄忽游弋而老巢僅一尚大坪擊之似難而易應令湖南配兵一萬由思南等處進四川配兵五千從遵義等處進合攻號匪尚大坪再配兵五千從修文進斷其抄畧不出三月尚大坪必拔苗勢漸衰然後合川楚黔兵分三路攻之不過一年全省可告肅清一將帥宜選擇也貴州提督周達五戰功卓著雲南道員李文森四川候補道蹇閻候補知府唐炯皆貴州人於地方情形尤熟援黔將帥楚帥中如李元度王永章吳嗣仲楊昌江均老成練達膽勇足稱宜慎選精擇備折衝禦侮之用至貴州總兵趙德光樸勇可恃賊皆畏之應令

募足三千人固守省城無許東調西防以致疲於奔命一餉糈當畫定也四川湖南每歲防黔餉糈皆不下百數十萬今僅以萬兵援黔一年所費不過七十餘萬防費既省所有趙德光一軍即由川楚二省按月籌撥一萬兩以資飽騰其貴州別項所需由貴州巡撫自籌一勦撫宜並用也貴州之賊多由迫脅而成宜募人入賊中開諭令其自拔來歸如殺賊來獻者仍按功保獎分別良莠隨宜辦理一屯田宜舉辦也貴州山多人少亂後千里荒蕪宜於克復地方分鄉分段清查丈量招人認墾三年始行升科使民間樂從流亡易歸一牧令宜慎重也貴州民情樸實最易為理特以地方苦亂實缺多不到任署理率皆佐雜人員甚有借養勇為生財之計肆意迫捐逼民作賊此時創

黃平縣志

卷二十一

藝文

三十九

深痛鉅非循良牧令不為功見在貴州如畢天錫陳枚樊希棣吳德溥呂序程等循聲遠播似宜畀以地方使之盡心撫緝以上八條皆就黔省見在情形而言雖辦理之方未必詳盡然欲戡定黔省大要亦不出此更有請者貴州學政編修黎培敬出入艱險往來考試宣布 朝廷德化士民感戴宜會同巡撫辦理一切事宜並量加錄用

城中紳耆擬開城北門河行舟呈請縣署轉請省署撥款

補助由

李承棟

為公懇轉呈撥款開河事竊縣城自前清裁衛設州來實以地處苗疆路當孔道故不能不設官廳以資彈壓但城雖中區而商場之冷落實業之不興凡百設施多仰賴於舊城重安等處

及至民國成立地方注重自治各區款項均各分割裁留加以插花一役劃去解城之款益多從此辦理教育實業以及團防等事莫不仰屋咨嗟束手無策紳耆等朝暮思維惟念城下一河來源雖短從城北以至東坡二十里中迭有細流攬入河下東坡施秉船即駛到裝載糧食柴草早已絡繹不絕計自縣城以至施秉遠僅七八十里且河身頗寬水道平坦自東坡以上更有碾房為之築堤蓄水沿河汪汪無異江浙之聞粵湘之斗若能因其塘堰借以行舟足以如三合縣之古宜船式運載糧食十石較用人肩馬馱總在二十倍以上並又計及施秉場期每逢一六均有鎮遠船上轉運貨物若我城以數小舟接濟施秉船之貨物較舊城之下施秉重安之下洪江更迅速於五倍

## 黃平縣志

卷二十一

藝文

四十

如此輕便迅敏設使河無阻滯得一舟以之運輸貨物立見商場輻輳何患工藝不振種植不興經濟不足不能辦理一切事務使地方不有起色而實力文化之不得進步遂無以為橫蠻之鎮壓愚昧之感化也竊以為一縣之長治久安實為一河而一河之開通又實一省利賴之原也然前此舟船之不通者特因東坡下有數石坎之阻塞故也查此石坎在前清光緒末年已經官紳屢次勘踏三五往返尚不得覈今蒙

鈞臺於舊歷四月初間帶領紳耆等親去履勘越山架嶺不辭勞瘁乃勘得各石均在一丈二三四水流雖急若從大轉灣處開一斜溝運船自能上下竊喜石壁各有開溝餘地除已繪存圖說外似此天然水利蒙 福曜之親臨而始得之得以如法鑿



通所有東坡以上之檢容設閘自然不甚費力紳耆等竊計鑿此四渠除放石火葯懇由 省署發給外約需一千洋元始敷工用此外檢容設閘造舟運石約在七百元上共需洋銀一千七百許元紳耆等謹將逆田變賣約得三百洋元又提本年義谷息銀亦可得洋二百元許此外千元若祈 鈞臺籌集茲蒙移修女校預備修志以及去年辦匪已用去三千元外當此財力罄竭渴轍末弩羅掘不過二百元許此外尚欠千元似非懇祈 恩臺代為轉祈 省署準照補助重安開河之例撥助千元巨款不能成此萬世永賴之利如蒙補助又當趕此暑天之農隙民飢用工代賑方得收功於轉瞬紳耆等又查重安鑿河已蒙政府撥助至三千元以上而縣城尤屬重要人民渴望

黃平縣志

卷二十一

藝文

四十一

盛恩以此合詞公懇祈

各鈞長俯念下情憫然垂助於萬一者也紳耆等誠知省庫維艱但縣城為下流鎖鑰地方無財辦事影响於國家非小用敢援例呼懇伏祈

縣長大人轉呈撥助施行湏至公呈者

河工事務所呈請縣署轉請覆勘城北門河工程由

李承棟

為河工已有規模懇轉請員覆勘事竊本城疏鑿河流下連施秉蒙

恩疊次勘明繪圖呈請

省長撥款補助一面即委專辦等計日興工專辦等竊將大跳

魚洞分為二股小跳魚洞與穿巖各為一股闌門石與哈蟆口合為一股其餘之沿河灘石共為一股合計六股每股需工一千一二需火葯三百許舫需洋鋼五十許舫每工需錢四百上下此估計工程錢件之辦法也估工之後先由小跳魚洞及穿巖兩處試辦用核估計之當否次及闌門石與哈蟆口兩處著手之後當又造船三隻一以預備深水難涉之處俾便行駛一以用載工人物件用之順疏沿河灘石使其上下啣接易於通氣俟得助款之後然後集注全力於大跳魚洞上此次第設施用力先後之辦法也至於經費銀錢之收入換掉純由副專辦經理至包工用動始由正專辦書揮支領分類登記俾令出入分明財不虛用除一二使用人外各辦事人并不支薪此節省

黃平縣志

卷二十一 藝文

四十二

財力開明昭著之辦法也計畫已定當於舊歷七月下旬著手乃得老州及重安駛船之工人以及明通紳士相與看視用力然後知城河雖小二十里內即有十六七流溪河攬入其利便一沿河又係石底水無漏洩秋冬不竭其利便二因水狹小沿河并無沙洲岔流船易行駛其利便三沿河一帶兩岸均是陟山稍有雨雪融流入河水即添深舟無阻滯其利便四船流下至施秉只需一日可轉本城來往不費時日其利便五雖邇時沿河之生產稍稀戶口未盛迨至交通便利人物自各發達得此衆目昭彰查考分明同聲贊美專辦等益加踴躍不辭勞瘁前蒙道署委派錢知事沿河勘明專辦隨侍左右備將各樣辦法口述報明現在已將小跳魚洞及穿巖兩股打開并將穿巖

以上之一小灘鑿好而順河之疏鑿船已行至十里橋下計其工程已得三分之一大致與所估計相符惟由公業變賣之錢已竭可否懇恩轉求

省道署再派委員親到各開溶口處查看分明如行舟尚有滯礙當加工程專辦等謹當敬聽驅策竭力修整只求於此財力告竭之時得即撥款補助不致中道廢弛散渙莫救實沾層恩不少所有河工已有規模懇轉請員覆勘各緣由理合呈祈

查核錄文轉懇委員撥款施行為此謹呈

署理黃平縣縣長陳

河工正專辦員李承棟

## 黃平縣志

卷二十一

藝文

四十二

河工副專辦員聞人傑

代編團目列表請縣定案由

李承棟

為代編團目列表請核事竊縣屬團目甚為複雜如新舊城有發強剛毅仁義禮智之各代名詞而南區之二千餘家并無此項名目以稱謂之令人不知有團多少此一岐也東區既有心氣和平之命名西鄉又以地利人和以重之舊城既有仁義禮智信之舊稱重安今乃以恭寬信敏以犯之此二岐也既均以一字代名矣如乾坎艮震之類是矣何以舊城乃用仁上仁下及北區之用太一太二等雙字以別之此三岐也不特此也太一太二在三在四以數目相連里地命名矣胡他區不以舊一舊二南一南二之類以劃一之此四岐也又縣屬自治分

區以來各區已各有統緒不謂北三區之尚名禮下甲與在字甲等不惟與舊城似二而一旦更與舊日之在字以一為二此五岐也所更岐者太字甲之已變為北四區矣中猶有跳三甲之名稱以別為在字之華離而太在兩里之被撥入甕餘兩縣又將六七三四等甲或全劃去或只存留一二十家遂令昔日之舊制成為零星散亂之事此六岐也有此離奇襍錯之事不獨辦事上已無劃一之方如竟照此列之志乘將來遠近傳觀不免為識者之所哂笑局長分纂輿地一志中有疆域里堡各目均應備列城鄉團甲恐此名不雅馴只得函知遠近并親歷各區與各區長保董相與磋商或依其舊有之名或改其曩日之制或褒多而益少或舍此而就彼本其村落之毘連依其地

## 黃平縣志

卷二十一

藝文

四十四

段之廣狹編成九十有八團各團代以一字無一重複之名成為一致之制除上之縣志之中列表請報省通志局外理合另具一表呈請

鈞臺查核備案後更飭團防局局紳照抄三五份以存局中以咨城鄉辦團各首席辦事上有一定之名稱所謂正名正經界者實為官治與自治上之重要問題竊以舍己芸人未免遺譏於越俎然而因利就便何妨姑代其捉刀所有代編團目列表請核各緣由理合呈祈  
備案飭抄施行為此謹呈

署理黃平縣縣長兼志局督修

局長兼匯纂李承棟